

ROMANIA.

360

dum, Niger putat. Hic sedem habet Beglerbegus Græciæ, qui Turcis dicitur *Rumeli Begerbeg*, habetq; Sangiacus sub se i & xx. Sunt & *Serraium* civitas Bulgariæ insignis. *Nicopolis*, hæc a Sangiacis regitur. Prope hanc civitatem vestigia supersunt pontis admirabilis maximeque stupendi, quem construxit supra Danubium Trajanus Imperator, dum contra Getas pugnaret.

ROMANIA.

Regio & unde

dicta.

situs.

Coeli & soli

qualitas.

Urbes.

BULGARIÆ *Romania* proxima est, sic dicta ab urbe præcipua Constantinopoli, quæ *Roma Nova* etiam dicebatur. Olim *Thracia* appellata fuit, vel a *Thrace* Martis Filio, vel a *Thrace* Nympha, vel potius a feritate, sen temeritate. Separatur a Macedonia Strymone fl. ad Septentrionem est Hæmus, cetera Mare adluit. Regio nec Cælo lata, nec Solo: & nisi qua Mari propior est, infœcunda, frigida, eorumque quæ feruntur, maligne admodum patiens. Versus mare vero Frugibus, Frumento & Leguminibus fecunda. Raro usquam pomiferam arborem, Vitem frequentius tolerat: sed nec eius quidem Fructus maturat ac mitigat, nisi ubi frigora obiectu frondium cultores arcuere. Urbes habet *Abderam* Democriti patriam: *Nicopolim*, *Philippopolim*, *Hadrianopolim*, *Trajanopolim*, *Selymbriam*, *Perinthum*, aliasque complures. Metropolis est *Byzantium*, conditum a Pausania, nunc *Constantinopolim* vocant a Constantino, qui ibi sedem Imperij esse voluit. Turcis dicitur *Stampolda*, quasi ampla Civitas: Sita est ad Euripum, habetque ex adverso *Peram*, quam vocant *Galatam* in cornu Byzantino, vererem Genuensium Coloniam. Multa admodum in urbe sunt vetustatis monumenta partim illic primum posita, partim *Roma* illuc allata. Præcipua hæc sunt: Templum *Sophiæ*, opus Justiniani Imp. Palatium Constantini, Columna Serpentina, & altera quæ historiata nominatur. Templum *S. Lucæ*, Navale, Castrum novum, Colossus, Gynæcerum, Hippodromus, Opelisci. Flumina eam duo adluunt, *Cydrus*, vulgo nunc *Machlevam* & *Barbyfes*, *Chartaricon*. Ambitus urbis est xii mill. pass. Incolarum numerus 1000 millia excedit. Regio vero paucos Amnes habet, verum celeberrimos, *Hebrum*, *Melanem*, *Tearum*, *Arsum*, *Bathyniam*, *Nestam*. Montes attollit, *Hæmum*, *Rhodopē*, *Orbelum*, *Pangæum* & *Mesapiū*. Parent nunc ista regna Turcarum Imperatori, qui sedem Imperialem habet Constantinopoli, & præcipuum ibi Palatium. De cuius potentia & regnorum administratione breviter dicam. Ducenti circiter sunt, quibus Turca mandavit singulis quadriennijs per Græciam, V Valachiam, Bosniam, & Anatoliam, reliquasque ditiones suas colligere Christianorum pueros masculos ex singulis familijs, tamquam decimas sibi debitas, quos Constantinopolim, Peram & Andrinopolim adducunt, & civibus educandos tradunt, ac minus elegantes in Bursa & Caramania agricolis commendant. Hi omnes *Azamoglam* aut *Samoglam* vocantur, id est, innocentes & simplices infantes, nihilq; scientes, & cum ad vii annum pervenerint, elegantiores & dociliores in Saray, hoc est, palatium præcipuum Imp. Constantinopoli collocantur usque ad quingentos, ibique in litteris & armis instituuntur, donec xx annum compleverint. Ex his eliguntur præter aulae ministros & officiales *Janizari* pedites, quos ad xii millia in sui perpetuam custodiam habet Imp. Ex *Janizaris* spectabiliores electi *Spachoglani* ad 3000, dexteram Principis claudunt, singuli i v aut v equis servientes. Ex ijs dem